

COMISIÓN INFORMATIVA ESPECIAL DE CONTAS, FACENDA E ECONOMÍA

ACTA da mencionada comisión informativa, correspondente ó día **15 de novembro de 2017**

ASISTENTES:

PRESIDENTE: D. Francisco José Fraga Civeira	No Pazo da Deputación Provincial de Ourense, o 15 de novembro de 2017 , ás 17.30 horas, baixo a presidencia de don Francisco José Fraga Civeira, e con asistencia dos señores/as á marxe relacionados, reúnese a expresada comisión informativa, co fin de proceder á preparación e estudo dos asuntos que se indican, adoptándose os seguintes ditames:
DEPUTADOS/AS:	
D. Rosendo Luís Fernández Fernández	
D. Jorge Pumar Tesouro	
D. Plácido Álvarez Dobaño	
D. Pablo Pérez Pérez	
D. ^a Consuelo Vispo Seara	
D. José Antonio Feijóo Alonso	
D. ^a Isabel Gil Álvarez	
D. ^a Susana Rodríguez Rodríguez	
D. Armando Ojea Bouzo	
D. Ramiro Rodríguez Suárez	
SECRETARIO:	
D. Francisco Cacharro Gosende	
INTERVENTOR ACCTAL.:	
D. José Mosquera Casero	

1º.- ACTA ANTERIOR, CORRESPONDENTE Á ORDINARIA DO DÍA 18 DE OUTUBRO DE 2017

En relación coa acta da reunión anterior, correspondente á ordinaria do día 18 de outubro de 2017, queda aprobada por unanimidade coa da asistencia á reunión de don Adolfo González Novoa e non de don Vicente Gómez García, como figuraba por erro.

2º.- RESOLUCIÓN DE ALEGACIONES Á APROBACIÓN INICIAL DO ORZAMENTO XERAL DA DEPUTACIÓN PROVINCIAL DE OURENSE PARA O EXERCICIO 2018 E APROBACIÓN DEFINITIVA.-

O Sr. interventor accidental expón o contido da proposta.

D.^a Isabel Gil Álvarez, do Grupo Socialista, pregunta se o compromiso que se asume se refire á cantidade total estipulada no convenio de 2013 ou á contía consignada no orzamento de 2014, respondéndose por parte do **Sr. interventor** que entende que se refire á contía total que recolle o convenio.

Non se producen máis intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte do pleno, do seguinte acordo:

Primeiro.- Desestimar a reclamación presentada polo Concello de Verín contra o orzamento para o exercicio 2018 inicialmente aprobado.

Segundo.- Asumir o compromiso firme de incluír a previsión dunha subvención nominativa a favor do Concello de Verín para o financiamento das obras de urbanización e equipamento mobiliario do Centro Cultural das Artes de Verín nos orzamentos de 2018. Esta previsión incluírase a través do primeiro expediente de modificación de crédito (crédito extraordinario) que se tramite no exercicio 2018, financiándose con cargo ao remanente de Tesourería derivado da liquidación do exercicio 2017.

O presente compromiso queda, en todo caso, condicionado á existencia de remanente de tesourería positivo derivado da liquidación do exercicio 2017 para o seu financiamento.

Unha vez aprobada a modificación orzamentaria, a subvención nominativa tramitárase de oficio, podendo acumularse nun único acto a concesión da subvención e a súa xustificación, ao tratarse dunha actuación xa realizada, e sempre e cando obre no expediente a documentación xustificativa correspondente.

Terceiro.- Prestarlle aprobación definitiva ao orzamento xeral e bases de execución da deputación para o exercicio 2018, de conformidade co establecido no

artigo 169 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, conforme co documento aprobado inicialmente o 29 de setembro de 2017, segundo o seguinte detalle:

CLASIFICACIÓN ECONÓMICA:

A) Ingresos, resumo por capítulos:

1. Operacións correntes:

I.- Impostos directos	4.605.000,00
II.- Impostos indirectos	4.030.000,00
III.- Taxas e outros ingresos	4.458.461,13
IV.- transferencias correntes	66.182.047,37
V.- ingresos patrimoniais	219.511,75

2. Operacións de capital:

VI.- Alleamento investimentos reais	21.000,00
VII.- Transferencias de capital	890.979,75
VIII.- Activos financeiros	300.000,00
IX.- Pasivos financeiros	0,00

B) Gastos, resumo por capítulos:

1. Operacións correntes:

I.- Gastos de persoal	31.798.524,56
II.- Gastos bens correntes e servizos	18.923.476,00
III.- Gastos financeiros	17.962,75
IV.- Transferencias correntes	13.213.768,95
V.- Fondo de continxencia	10.000,00

2. Operacións de capital:

VI.- Investimentos reais	14.610.872,47
--------------------------	---------------

VII.- Transferencias de capital	663.528,20
VIII.- Activos financeiros	300.000,00
IX.- Pasivos financeiros	1.168.867,07

Cuarto.- Inserir no Boletín Oficial da Provincia, resumido por capítulos, o orzamento xeral, segundo o que establece o artigo 169.3 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais. Igualmente será obxecto de publicación o cadro de persoal en base ó preceptuado no artigo 127 do Real decreto legislativo 781/1986, do 18 de abril, polo que se aproba o texto refundido das disposicións legais vixentes en materia de réxime local.

3º.- FIXACIÓN DUNHA VIXENCIA DE DOUS ANOS PARA O PLAN ECONÓMICO FINANCEIRO POR INCREMENTO DA REGRA DE GASTO.

O Sr. interventor accidental dá conta do contido da proposta.

Non se producen máis intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte do pleno, do seguinte acordo:

1º- Dotar ao Plan Económico Financeiro por incumprimento da regra de gasto na liquidación do exercicio 2016 dunha vixencia de dous anos.

2º- Remitirlle á Dirección Xeral de Política Financeira, Tesouro e Fondos Europeos da Xunta de Galicia, o presente plan, segundo o artigo 23.4 da Lei 2/2012

4º.- EXPEDIENTE DE MODIFICACIÓN DE CRÉDITOS N.º 4/2017.

O Sr. interventor accidental dá conta do contido da proposta.

D.^a Isabel Gil Álvarez, do Grupo Socialista, pregunta, á vista de que hai unha subvención para gastos de funcionamento da Fundación Curros Enríquez, se esta fundación non recibía xa financiamento no orzamento inicial de 2017.

D. Pablo Pérez Pérez, do Grupo Popular, explica que en exercicios anteriores si, pero que neste exercicio 2017 non se incluía.

D. Armando Ojea Bouzo, de Democracia Ourensana, pide que se lle explique cal é o contido do proxecto de Castro Caldelas previsto na modificación.

O Sr. interventor accidental responde que non dispón desa información, xa que só se lle facilitou o importe, beneficiario, e denominación do obxecto da subvención.

Non se producen máis intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte do pleno, do seguinte acordo:

1º.- Aprobar a modificación de créditos do expediente, co seguinte detalle:

SUPLEMENTOS DE CRÉDITO. GASTOS DE INVESTIMENTOS

APLICACIÓN	EXPRESIÓN	IMPORTE €
450.12/762.01	A Concellos. Cooperación provincial	26.000,00 €

SUPLEMENTOS DE CRÉDITO. GASTOS CORRENTES

APLICACIÓN	EXPRESIÓN	IMPORTE €
334.20/489.00	Actividades culturais e recreativas. Outras subvencións	36.000,00 €
334.20/462.00	A Concellos. Actividades culturais e recreativas	10.000,00 €

CRÉDITOS EXTRAORDINARIOS. GASTOS DE INVESTIMENTOS

APLICACIÓN	EXPRESIÓN	IMPORTE €
241.11/627.03	Plano de emprego xuvenil. Fomento do emprego	80.000,00 €

RECURSOS UTILIZADOS

Remanente Tesourería. Subconcepto 870.00 para financiar gastos xerais	152.000,00 €
---	---------------------

2º.- Nas bases de execución do orzamento da Deputación Provincial de Ourense procede concretar o capítulo VII de gastos que se ve modificado neste expediente, polo que se procede á especificación da aplicación para a que se habilite crédito nesta modificación orzamentaria:

Con cargo á aplicación orzamentaria **450.12/762.01**. A Concellos. Cooperación provincial:

Beneficiario	Finalidade	Importe
Concello de Muíños	Pantalán complexo deportivo O Corgo	80.000,00

Con cargo á aplicación orzamentaria **334.20/489.00**. Actividades culturais e recreativas outras subvencións:

Beneficiario	Finalidade	Importe
Fundación Curros Enríquez	Gastos de funcionamento	36.000,00 €

Con cargo á aplicación orzamentaria **334.20/462.00**. A concellos actividades culturais e recreativas:

Beneficiario	Finalidade	Importe
Castro Caldelas	Proxecto cultural	10.000,00 €

3º.- Aprobar a seguinte modificación cualitativa por corrección de erro no nome do beneficiario da subvención:

- Con cargo á aplicación orzamentaria 334.20/489.00 “Actividades culturais e recreativas. Outras subvencións”, prevíase unha subvención ao Clúster de

Comunicación para “actividades 2016” por importe de 5.000,00 euros. En base ao escrito remitido por este en data 26/10/2017, proponse a corrección do nome do beneficiario de dita subvención debido á existencia dun erro na modificación 2/2017, quedando da seguinte maneira:

334.20/489.00 “Actividades culturais e recreativas. Outras subvencións”:

Beneficiario	Finalidade	Importe
Clúster do Produto Gráfico e do Libro Galego	Actividades 2016	5.000,00 €

4º.- De acordo co artigo 169 da Lei reguladora das facendas locais, por remisión do artigo 177.2 do mesmo texto legal, o expediente será exposto ao público, tras o anuncio no Boletín Oficial da Provincia, por 15 días, durante os cales os interesados poderán examinalo e presentar reclamacións ante o Pleno.

O expediente considerárase definitivamente aprobado se durante o citado prazo non se presentasen reclamacións.

5º.- FIXACIÓN DE PREZOS PÚBLICOS “PAZOLANDIA”.

O Sr. secretario dá conta do contido da proposta da Presidencia.

Non se producen intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte da Xunta de Goberno, do seguinte acordo:

Primeiro.- Establece-lo seguinte prezo público para a entrada ao parque de atraccións para nenos “Pazolandia”: *4,00 € (IVE incluído) para o público en xeral e 3,00 € (IVE incluído) para as persoas que accedan en viaxes promovidos polos concellos da provincia.*

Segundo.- Nos restantes aspectos non previstos no presente acordo, estarase ó disposto na Ordenanza reguladora dos prezos públicos polos servizos de actividades

culturais, deportivas, educativos e de ocupación de tempo libre promovida pola Deputación Provincial de Ourense (*BOP n.º 139, do 19 de xuño de 2014*).

6º.- MOCIÓNS DE URXENCIA.- Non se producen.

7º.- ROGOS E PREGUNTAS.- Non se producen.

E, ás 18.00 horas, dáse por finalizada a reunión, redactándose a presente acta, que asinan o presidente e o secretario. Certifico.